

ALOR GAJAH: Sebahagian penduduk di Jalan Keretapi Lama di Kampung Belimbing Dalam, Durian Tunggal di sini, terus diulit resah apabila rumah mereka didakwa kerap dinaiki air setiap kali hujan lebat hingga mengakibatkan banyak barangan dan perkakasan rosak.

Tinjauan Harian Metro di kawasan kampung itu mendapati air membanjiri halaman sebelum masuk ke dalam rumah dalam tempoh singkat walaupun hujan hanya dua atau tiga jam.

Penduduk, Zakaria Naim,

Dua bulan lima kali banjir

FOTO | Arifin Salleh

52, berkata dia sekeluarga terpaksa memungkah semua barangan rumah untuk diselamatkan dari mengalami kerosakan berendam dalam air dalam tempoh lama.

"Dalam keadaan cuaca tidak menentu, membuatkan kami sekeluarga hidup tidak tenang dan perlu bersengkang mata apabila hujan lebat terutama waktu malam.

"Sepanjang dua bulan ini (Oktober dan November) kami berdepan bencana



RESAH...penduduk resah menghadapi banjir yang kerap berlaku di kediaman mereka.

banjir lima kali hingga menyebabkan rumah didiami kini berbau lumpur.

"Bukan hanya rumah, kenderaan diletakkan di halaman rumah turut ditenggelami air," katanya ketika ditemui di sini, kelmarin.

Menurutnya, beberapa rumah penduduk di kawasan Jalan Keretapi Lama itu dikatakan akan dipindahkan ke lokasi lain lebih selamat namun masih tiada perkembangan sehingga kini.

"Penduduk akan terus berdepan dengan banjir lumpur ini selagi tidak berpindah ke tempat lain," katanya.